

01 MAI

**PARACLISUL
SF. REGINE
TAMARA
A GEORGIEI**



PARACLISIERUL PE MAI-GG



პარაკლისი წმიდისა და კეთილმსახურისა მეფისა თამარისი

მღდელმან: კურთხეულ არს-ი

და უკეთუ ერისკაცია, იტყვს: უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა და ყოველთა წმიდათაჲთა, შეგვწყალებ ჩუენ, ამინ.

დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე ალავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვწყალებ ჩუენ (3-გ ზის).

დიდებაჲ მამასა და ძესა და წმიდასა სულსა, აჴ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვცსენ და გვლხინე ცოდვათა ჩუენთაგან; მეუფეო, შეგვნდვენ უმჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგვწყალებ (3-გ ზის).

დიდებაჲ მამასა და ძესა და წმიდასა სულსა, აჴ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებად შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მივსნენ ჩუენ ბოროტისაგან.

მღდელმან: რამეთუ შენი არს სუფევად...

უფალო, შეგვწყალებნ (12-გ ზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა. მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა ღმერთსა. მოვედით, თაყუანის-ვსცეთ და შეუვრდეთ თვთ ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისად, ყურად-ილე ვედრებად ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებად ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოვივსენე დღეთა პირველთად, და ვიწურთიდ ყოველთა მიმართ საქმეთა შენთა და ქმნულსა კელთა შენთასა ვზრახევდ. განვიპყრენ შენდამი კელნი ჩემნი, და სული ჩემი, ვითარცა ქუეყანად ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღვმესა. მასმინე მე განთიად წყალობად შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდი, რამეთუ შენდამი აღვილე სული

ჩემი. მივსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვყო ნებად შენი, რამეთუ შენ ხარ ღმერთი ჩემი; სული შენი სახიერი მიძლოდეს მე ქუეყანასა წრფელსა. სახელისა შენისათჳს, უფალო, მაცხოვნო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონად შენი ვარ.

დიდებად მამასა და ძესა და წმიდასა სულსა, აჴ და მარადის და უკუნითი უკუნისამდე ამინ.

ალილუია, ალილუია, ალილუია, დიდებად შენდა ღმერთო.
 ალილუია, ალილუია, ალილუია, დიდებად შენდა ღმერთო.
 ალილუია, ალილუია, ალილუია, დიდებად შენდა ღმერთო ჩუენო,
 დიდებად შენდა.

ღმერთი უფალი და გამოგვიჩნდა ჩუენ, კურთხეულ არს მომავალი სახელითა უფლისადათა.

მუხლი 1. აუვარებდით უფალსა, რამეთუ კეთილ, რამეთუ უკუნისამდე არს წყალობად მისი.

მუხლი 2. ყოველი თესლები გარე მომადგა მე, და სახელითა უფლისადათა ვერეოდე მათ.

მუხლი 3. არა მოვკუდე, არამედ ვცხოვნდე, და განვსთქუნე მე საქმენი უფლისანი.

მუხლი 4. ლოდი, რომელი შეურაცხყვეს მაშენებელთა, ესე იქმნა თავ კიდეთა, უფლისა მიერ იყო ესე, და არს საკვრველ წინაშე თუალთა ჩუენტა.

ტროპარი

წმიდათა შორის საკვრველო, კეთილმორწმუნეო მეფეო თამარ, რომელმან კლდეთა ზედა მაღალთა აღაშენენ საყდარნი სავედრებელად ღმრთისა, ლოცვითა შენითა განაძლიერე

მკედრობანი ქრისტეს მოყუარისა ქართველთა ერისანი, ხოლო მარჯუენითა შენითა დაამკუენ სპანი აგარეანთანი, მისითა მეოხებითა, ქრისტე ღმერთო, აცხოვნენ სულნი ჩუენნი.

დიდებაჲ მამასა და ძესა და წმიდასა სულსა.

წმიდათა შორის საკვრველო, კეთილმორწმუნეო მეფეო თამარ, რომელმან კლდეთა ზედა მაღალთა აღაშენენ საყდარნი სავედრებელად ღმრთისა, ლოცვითა შენითა განაძლიერე მკედრობანი ქრისტეს მოყუარისა ქართველთა ერისანი, ხოლო მარჯუენითა შენითა დაამკუენ სპანი აგარეანთანი, მისითა მეოხებითა, ქრისტე ღმერთო, აცხოვნენ სულნი ჩუენნი.

აწდა მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევდი ოხითა შენითა, ვინმცა დაგვცვნა ჩუენ აქამომდე ფლობილად; არასადა განგეშორნეთ ჩუენ, დედოფალო კურთხეულო, რამეთუ შენ იქსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცე უშჯულოებაჲ ჩემი. უფროდს განმბანე მე უშჯულოებისა ჩემისაგან და ცოდვათა ჩემთაგან განმწმიდე მე, რამეთუ უშჯულოებაჲ ჩემი მე უწყი, და ცოდვაჲ ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განმართლდე სიტყუათაგან შენთა და სძლო სჯასა შენსა, რამეთუ ესერა, უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭეშმარიტებაჲ შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროდს თოვლისა განვსპეტაკნე. მასმინო მე გალობაჲ და სიხარული და იხარებდენ ბუალნი დამდაბლებულნი. გარე მიაქციე პირი შენი ცოდვათა

ჩემთაგან და ყოველნი უმჯულოებანი ჩემნი აღვცენ. გული წმიდად დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისა და სულითა მთავრობისა და დამამტკიცე მე. ვასწავლნე უმჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენა ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხრობდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გონდეს. მსხუერპლ ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენნენ ზღუდენი იერუსალემისანი. მაშინ გონდეს მსხუერპლი სიმართლისა და შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

გალობა 1, უგალობდითსა, ჳმა 4 გუერდი

ძლისპირი: ქუეყანასა მწყურნებსა, ვითარცა ჳმელსა, განვიდა და შრომათაგან ეგვიპტისათა განერა ერი ისრაელთა და დადებდა: მვსნელსა ჩუენსა და უფალსა უგალობდეთ.

წმიდაო, კეთილსახურო მეფეო თამარ, ევედრე ღმერთსა ჩუენტვს.

მოიღე რა ღმრთისაგან პატივი და ნიჭი მეფობისა და ქუელისმოქმედისა ცხორებისა შენისა მიერ აღივსე სულითა საღმრთოდთა და ვიდრე აქამომდე მოიგე სახელი უკუდავებისა და.

წმიდაო, კეთილსახურო მეფეო თამარ, ევედრე ღმერთსა ჩუენტვს.

სამწყსოსა მას, რომელი გერწმუნა, ჳ, მეფეო, ყოვლად ტკბილო და სანატრელო, დამწყსიდი მშვიდითა და მდაბალითა სულითა, და შეზღუდვიდი უზაკუველითა სარწმუნოებითა.

დიდებაჲ მამასა და ძესა და წმიდასა სულსა,

ქრისტჳს მცხნელისა იქმენ ერთგულ მოწაფე, ნეტარო თამარ, და განადიდენ სარწმუნოებაჲ ჭეშმარიტი, აწცა სულიერი ძილი წარმწყმედელი განგვფრთხე და განგვიბრწყინვე გონებითნი საცნობელნი.

აწ და მარადის და უკუნითი უკუნისამდე, ამინ.

ბჭეო აღმოსავალისა საღმრთოდსაო, განმიხუენ მე კარნი სინანულისანი და ბჭეთაგან სიკუდიდ-შემოსილისა ცოდვისაჲთა, მივსენ შუამდგომელობითა შენითა, ღმრთისმშობელო.

გალობაჲ 3, განძლიერდასა

ძლისპირი: განძაძლიერებელ მექმენ მე, დამბადებელო ცისაო და ქუეყანისაო წყალთა ზედა. დამამტკიცე მე, ქრისტე, ეკლესიისა კლდესა ზედა, რამეთუ არაჲ ვინ არს წმიდაჲ შენებრ, კაცთ-მოყუარე.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

აბრაჰამის უცხოთმოყუარებასა ჰბაძევდ, სანატრელო და უხუეებითა ზრდიდი უპოვართა და ღატაკთა, ჩუენცა აღგვადგინე ბაძუად შენდა, რაჲთა ვეველტოდეთ ვერცხლისმოყუარებასა, ვნებასა მას ბოროტსა.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

შეიმოსე მოწყალებაჲ, სიმშჳდჳ და კრძალულებაჲ, და ლოცვითა და მღჳძარებითა სახე ექმენ მორწმუნეთა, მეცა წარმწყმედელთა გზათაგან განმარინნე და წარმიძელუ გზასა მას ქრისტჳს მცნებათასა.

დიდებაჲ მამასა და ძესა და წმიდასა სულსა,

იქმენ შემწჳზ ობოლთაჲ და უღონოთაჲ, და ფრიად საზარელ მტერთა და მრისხანე ბოროტისმოქმედთა ზედა, არამედ მწუხარებაჲცა ჩუენი

შესცვალე სიხარულად და დაკსენ ზახებად ურიცხვთა მტერთა ჩუენთა.

აწ და მარადის და უკუნითი უკუნისამდე, ამინ.

მოქალაქობისაგან წმიდისა განვარდი, ყოვლადწმიდაო, და ვებაძუენ პირუტყვთა და ყოვლითურთ დასჯილ ვიქმენ, მშობელო მსაჯულისაო, ყოვლისაგან დასჯისა მიკსენ და მაცხოვნე მე.

გვკსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვვლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ, და სულისა ჩუენისა სნეულებანი.

მღდელმან: შეგჳწყალენ ჩუენ, ღმერთო, დიდითა წყალობითა შენითა, გევედრებით, ისმინე და შეგჳწყალენ.

გუნდი: უფალო, შეგჳწყალენ (3-გ ზის).

მღდელმან: მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტჳსმოყუარისა მთავრობისა და მკედრობისა მისისათჳს).

გუნდი: უფალო, შეგჳწყალენ (3-გ ზის).

მღდელმან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთა-თბილისის მთავარეპისკოპოსისა და ბიჭვინთისა და ცხუმ-აფხაზეთის მტროპოლიტისა, დიდისა მეუფისა, მამისა ჩუენისა (სახელი)-სათჳს, და ყოვლადუსამღდელოესისა (აქა მოიხსენეთ

ადგილობრივი მღუდელთმთავარი), და ყოველთა ქრისტეს მიერ
ძმათა ჩუენთათჳს.

გუნდი: უფალო, შეგჳწყალონ (3-გზის).

მღდელმან: მერმეცა ვევედრნეთ უფალსა ღმერთსა ჩუენსა, რადთა
შეიწყალოს მონა ანუ მჳევალი (აჟა მოიხსენეთ სახელდებით ისინი,
ვისთვისაც ვევედრებით). განამრავლონ, უფალო, ჟამნი და წელნი
ცხოვრებისა მათისანი და იჳსენ იგინი, უფალო, ყოვლისაგან ჭირისა,
რისხჳსა და იწროებისა, და ყოვლისაგან წყლულებისა სულისა და
ჯორცთაჲსა და მიუტევენ მათ ყოველი შეცოდებანი მათნი, ნებსითნი
და უნებლიეთნი.

გუნდი: უფალო, შეგჳწყალონ (3-გზის).

მღდელმან: მერმეცა გევედრებით ყოველთა მართლმადიდებელთა
ქრისტეანეთათჳს.

გუნდი: უფალო, შეგჳწყალონ (3-გზის).

მღდელმან: რამეთუ მოწყალე და კაცთმოყუარე ღმერთი ხარ, და
შენდა დიდებასა აღვაგლონთ, მამისა, და ძისა, და წმიდისა სულისა,
აწ და მარადის და უკუნითი უკუნისამდე.

გუნდი: ამინ.

წარდგომა

შეგემოსა შენ მოწყალებაჲ, ვითარცა პორფირი, და კეთილი სიმშჳდე,
ვითარცა ძოწეული, ხოლო გჳრგჳნად დაგედგა მწყობრნი ყოველთა
სათნოებათაჲ, რამეთუ გონებითა სრულითა ჰმონებდი უფალსა, და
ჰბადევდ ქცევასა ღირსთა მათ მენელსაცხებლეთა დედათასა და დათა
ლაზარესთასა, აწცა მათ თანა ევედრე ღმერთსა, ყოვლად ღირსო,
მეფეო თამარ, განჰკურნოს უძლურებანი სულთა ჩუენთა.

დიდებად მამასა და ძესა და წმიდასა სულსა აწ და მარადის და უკუნითი უკუნისამდე, ამინ.

უსძლოო ღმრთისმშობელო, ქალწულო წმიდაო, მხოლოო მორწმუნეთა შუამდგომელო, დაგვფარენ განსაცდელთა და ჭირთაგან, და ბოროტის გარემოდგომილებისა გვკსნენ ყოველნი, უბიწოო, რომელთა ყოველი სასოებად შენ ზედა დაგვძს, და აცხოვნენ სულნი ჩუენნი საღმრთოთა ვედრებითა შენითა.

გალობა 4, უფალო მესმასა

ძლისპირი: მესმა, უფალო, განგებად საიდუმლოთა შენთა გამოუთქუმელთა, განვიცადენ საქმენი შენნი და აღვიარე მე ღმრთეებად შენი.

წმიდაო, კეთილსახურო მეფეო თამარ, ევედრე ღმერთსა ჩუენთვს.

ვითარცა შემუსრენ ტამარნი საკერპონი და წარმართნი მოაქციენ, ეგრეთცა დააყუდენ ჩუენ ზედა დასკმად მწვალელებელთა, წმიდაო, და განზრახვანი მათნი უქმად გამოაჩინენ.

წმიდაო, კეთილსახურო მეფეო თამარ, ევედრე ღმერთსა ჩუენთვს.

იხარებს ივერთა ეკლესიად და ჰმადლობს ღმერთსა შენთვს, რამეთუ მოენიჭე სიმტკიცედ მართლმადიდებლობისა ერსა ჩუენსა და ძალგიძს შეწევნად ყოველთა, რომელნი მოივლტიან მეოხებასა შენსა.

დიდებად მამასა და ძესა და წმიდასა სულსა,

მსხუერპლი ლოცვისა ჩუენისად შეწირე ქრისტესა, რომლისა მიერ დიდებულ-ხარ, ნეტარო თამარ, რადთა გვკსნნეს ჩუენ ძმათა შორის ბრძოლისაგან და შეჰკრიბნეს განზნეული ერი ქარ-თველთა.

აწ და მარადის და უკუნითი უკუნისამდე, ამინ.

ცისკროვან-ჰყავ სული ჩემი, დაბნელებული შეცოდებათა
სიმრავლითა, რომელმან ჰმევ მზღ სიმართლისაჲ, მარადის
ქალწულო.

გალობაჲ 5, ღამითგანსა

ძლისპირი: განგვანათლენ ჩუენ ნათლითა შენითა, უფალო, და
მკლავითა მალლითა მორწმუნეთა მშვდობაჲ შენი ზეცით მომეც
ჩუენ, კაცთმოყუარე.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

ზეციერი სიბრძნჳ მოიგე და ღუაწლთა მიერ განბრწყინდი
უბრწყინვალეს მზისა, აწ სული ჩემი განანათლენ ბრწყინვალეობითა
მადლისა შენისაჲთა და გული ჩემი აღავსენ სიყუარულითა
საღმრთოჲთა.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

იყავ სარწმუნოდ მონაჲ ყოვლადწმიდისა სამებისაჲ და ბრწყინვალჳ
მნათობი ეკლესიასაჲ, ხოლო ცათა შინა მიიღე გზრგზნი დიდებისაჲ
და მადლი სენთა კურნებისაჲ და ეშმაკთა ოტებისაჲ.

დიდებაჲ მამასა და ძესა და წმიდასა სულსა,

ვითარცა სანთელი ჰბრწყინავდი მაღალსა მას ზედა სასანთლესა, და
განაბრწყინვე საქართველოჲ მშვდობითა და დიდებითა, რაჲსთჳსცა
აღიმრნენ ეგოდენი ენანი შესხმად და გალობად ღუაწლისა შენისა.

აწ და მარადის და უკუნითი უკუნისამდე, ამინ.

მეოხ-გუეყავ ძისა შენისა, ღმრთისმშობელო, რაჲთა
გარდამოგვვლინოს სიმრავლჳ მოწყალებათაჲ, ვითარცა გაქუს
კადნიერებაჲ.

გალობაჲ 6, ღალადყავსა

ძლისპირი: ვედრებასა ჩემსა განვჰყენ უფლისა მიმართ და მას აუვარებ ბრალთა ჩემთა მარადის, რამეთუ ბოროტითა აღივსო სული ჩემი და სიმტკიცჴ ჩემი ჯოჯოხეთად მიიწია, და იონადსებრ ვღალადებ: აღმომიყუანე მე, ღმერთო ჩემო.

წმიდაო, კეთილსახურო მეფეო თამარ, ევედრე ღმერთსა ჩუენთჴს.

დაუცხრომელად ღოცვად, ვითარცა ღახუარი ჯელთ-იდევ, და შეჰმუსრე კადნიერებაჲ უღმრთოთაჲ და წარმართთაჲ, აწცა მეოხ-გუეყვენ ჩუენ ღმრთისა მიმართ, რადთა არა მიგვცეს უსჯულოებათა ჩუენთათჴს მტერთა ჩუენთა ამჰარტავანთა და უსჯულოთა წარმართთა.

წმიდაო, კეთილსახურო მეფეო თამარ, ევედრე ღმერთსა ჩუენთჴს.

ვითარცა დააცხრვე აგარიანთა მრავალ-ღონენი ჭირთა მძვინვარებანი გულვებადნი ერსა შენსა ზედა, ეგრეთვე აწ სიმჴნჴ, სიბრძნჴ და მძლეველობაჲ ყოველთა მაჭირვებელთა ზედა გარდამოგვივლინე, რადთა ვიცსნნეთ ჩუენ ხილულთა და უხილავთა მჴდომთაგან.

დიდებაჲ მამასა და ძესა და წმიდასა სულსა,

მრავალთა ნათესავთა მფლობელ იყავ, საკჴრველი ეგე დიდებული, დედოფალი, რომელიცა მძლავრთა მათ ჯელმწიფეთა დაიმორჩილებდი, აწ ჰსუფევ წინაშე ქრისტჴსსა ელვითა სულისაჲთა განათლებული; ევედრე მას, რადთა დაიცვას ყოველნი ქალაქნი და სოფელნი ივერიისანი.

აწ და მარადის და უკუნითი უკუნისამდე, ამინ.

განჰკურნე უკურნებელი, უძლური, დაჰყრობითა სიბოროტისაჲთა, მძვინვარედ მოწყლული გული ჩემი, ყრმაო, და შენმიერსა

კურნებასა ღირს-მყავ და მაცხოვრე მე, მოსავი შენი მეოხებითა შენითა, ყოვლადწმიდაო.

გვკსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ, და სულისა ჩუენისა სნეულებანი.

ლდელმან: მერმე და მერმე მშჯდობით უფლისა მიმართ ვილოცოთ.

გუნდი: უფალო, შეგჳწყალონ.

მლდელმან: შეგუეწიენ, გუაცხოვნენ, შეგჳწყალონ და დაგვცვენ ჩუენ, ღმერთო, შენითა მადლითა.

გუნდი: უფალო, შეგჳწყალონ.

მლდელმან: ყოვლადწმიდისა, უბრწნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომკსენებელთა, თავნი თჳსნი და ურთიერთარს, და ყოველი ცხორებაჲ ჩუენი ქრისტესა ღმერთსა ჩუენსა შევკედროთ.

გუნდი: შენ, უფალო.

მლდელმან: რამეთუ შენ ხარ მეუფჳ მშჯდობისაჲ, და მაცხოვარი სულთა ჩუენთაჲ, და შენდა დიდებასა აღუავლონთ მამისა, და ძისა, და წმიდისა სულისა, აწ და მარადის, და უკუნითი უკუნისამდე, ამინ.

გუნდი: ამინ.

კონდაკი

მღურებად დედობრივი განაგდე ახოვნებითა სულისაჲთა, და უზესთაჲს ყოველთა მეფეთა და ბრძენთა კეთილად განაგებდი სამეფოსა თჳსსა, და გამოსჩნდი სუეტად კეთილმსახურებისად და მფარველად ეკლესიისად, წმიდაო, კეთილმსახურო მეფეო თამარ, აწ იხარებ ზეცისა ძალთა თანა მფარველი პატივისმცემელთა კსენებისა შენისათა.

მღდელმან: მოხედენ, სიბრძნით. წარდგომაჲ, კმაჲ 4

და აღვამაღლო რჩეული ერისაგან ჩემისა.

მუხლი: ამისთჳს გცხო შენ ღმერთმან, ღმერთმან შენმან.

მღდელმან: უფლისა მიმართ ვილოცოთ.

გუნდი: უფალო, შეგჳწყალონ.

მღდელმან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაგლონთ, მამისა, და ძისა და წმიდისა სულისა, აწ და მარადის, და უკუნიითი უკუნისამდე,

გუნდი: ამინ.

მღდელმან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელმან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჳწყალონ (3-გზის).

მღდელმან: სიბრძნით აღემართენით და ისმინეთ წმიდა სახარება, მშვიდობაჲ ყოველთა.

გუნდი: და სულისაგა შენისა თანა.

მღდელმან: იოანესაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელმან: მოხედენ.

სახარებაჲ იოანესი

ჰრქუა უფალმან მოსრულთა მათ მისა მიმართ ჰურიათა, მე ვარ კარი: ჩემ მიერ თუ ვინმე შევიდეს, ცხონდეს; შევიდეს და გამოვიდეს და სამოვარი ჰპოვოს. ხოლო მპარავი იგი არა მოვიდეს, არამედ რადთა იპაროს, და დაკლას და წარწყმიდოს. ხოლო მე მოვედ, რადთა ცხორებაჲ აქუნდეს და უმეტესი აქუნდეს. მე ვარ მწყემსი კეთილი: მწყემსმან კეთილმან სული თჳსი დადვის ცხოვართათჳს. ხოლო სასყიდელით დადგინებულმან და რომელი არა არნ მწყემსი, რომლისა არა არიედ ცხოვარნი თჳსნი, იხილის-რად მგელი მომავალი, დაუტევნის ცხოვარნი და ივლტინ, და მგელმან წარიტაცნის იგინი და განაზნინის ცხოვარნი. ხოლო სასყიდლით დადგინებული იგი ივლტინ, რამეთუ სასყიდლით დადგინებულ არნ, და არარად სჭირნ მას ცხოვართათჳს. მე ვარ მწყემსი კეთილი და ვიცნი ჩემნი იგი, და მიციან ჩემთა მათ. ვითარცა მიცის მე მამამან, ვიცი მეცა მამად და სულსა ჩემსა დავსდებ ცხოვართათჳს. და სხუანიცა ცხოვარნი მიდგან, რომელნი არა არიან ამის ეზოდსაგანნი; იგინიცა ჯერ-არიან მოყვანებად ჩემდა, და ჳმისა ჩემისად ისმინონ და იყვნენ ერთ სამწყსო და ერთ მწყემს.

გუნდი: დიდებაჲ შენდა, უფალო, დიდებაჲ შენდა.

დიდებაჲ მამასა და ძესა და წმიდასა სულსა.

მეოხებითა წმიდისა კეთილმსახურისა მეფისა თამარისითა, მოწყალო, აღვოცენ ცოდვათა ჩუენთა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისაჲთა, მოწყალო, აღვოცენ ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღვოცე უშჯულოებაჲ ჩემი და შემიწყალე მე, ღმერთო.

გერი: აწ განათლდების ივერთა ეკლესიაჲ დიდებითა შენითა და იხარებს და განსცხრების კრებული მორწმუნეთაჲ მომკსენებელი ღუაწლისა შენისაჲ და გნატრის მოშიშსა ღმრთისასა, მოყუარესა მღდელთასა, პატივისმცემელსა მონაზონთასა, განმადიდებელსა ეკლესიათასა, შემამკობელსა ხატთასა და სათნოსა ღმრთისასა, საყუარელსა კაცთასა, საქებელსა მთავართასა, მართლმადიდებელთა გვრგვნსა და დედათა სამკაულსა და მნათობსა, ბრძენსა და წმიდასა თამარ დედოფალსა.

მღდელმან: აცხოვნე, ღმერთო, ერი შენი, და აკურთხე სამკვდრებელი შენი, მოხედენ სოფელსა შენსა წყალობითა და მოწყალებითა, აღამალლე რქაჲ ქრისტეანეთა მართლმადიდებელთაჲ, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისაჲთა, ძლიერებითა პატიოსნისა და ცხოველსმყოფელისა ჯუარისაჲთა, ძლიერებითა ჯუარისა ვაზისაჲთა; მეოხებითა პატიოსანთა უსხეულოთა ზეცისა ძალთაჲთა, პატიოსნისა, დიდებულისა, წინაჲსწარმეტყუელისა, წინა-მორბედისა და ნათლისმცემელისა იოვანესითა, წმიდისა წინასწარმეტყუელისა ილია თეზბიტელისა და მართლისა ენუქისითა, წმიდათა დიდებულთა, და ყოვლად-

ქებულთა მოციქულთა თავთა, პეტრესა და პავლესითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა და მატათასითა; წმიდისა დედისა ჩუენისა, მოციქულთა სწორისა ქალწულისა ნინოდსითა, წმიდა მოციქულთა სწორთა: მეფისა მირიანისა და დედოფლისა ნანადსითა; წმიდათა შორის მამათა ჩუენთა, და მსოფლიოთა დიდთა მოძღუართა და მღდელთმთავართა, ბასილი დიდისა, გრიგოლი ღმრთისმეტყუელისა, და იოვანე ოქროპირისაჲთა; წმიდათა და საკვრველთმოქმედთა მამათა ჩუენთა: ნიკოლოზ მრონლუკიის მთავარეპისკოპოსისა და სპირიდონ ტრიმიფუნტელისაჲთა; წმიდისა ღირსისა მამისა ჩუენისა იოვანე ზედაზნელისა და ათორმეტთა მისთა მოწაფეთა, მეორედ განმანათლებელთა საქართველოს ეკლესიისა და მარად მფარველთა მისთა. წმიდათა დიდებულთა და ლუაწლისა-მძლეთა მოწამეთა: წმიდისა მთავარმოწამისა ძლევამოსილისა გიორგისა და წმიდათა დიდთა ქალწულ-მოწამეთა ბარბარცსა და მარინცსითა; წმიდისა მღდელ-მოწამისა ნეოფიტე ურბნელისა და წმიდისა დიდისა მოწამისა აბო ტფილელისაჲთა; წმიდათა დიდებულთა მოწამეთა არგვეთის მთავართა დავით და კონსტანტინცსა; წმიდათა ათთა-ბევრთა მოწამეთა, ტფილისს ხუარაზმელთაგან მოწყუედილთა და წმიდისა დიდისა მოწამისა შალვა ახალციხელისაჲთა; წმიდისა მთავარ-მოწამისა ბიძინასა და წმიდათა დიდებულთა მოწამეთა: შალვა და ელიზბარ ქსნის ერისთავთაჲთა; წმიდათა მოწამეთა ექვსი ათასთა გარეჯელთა ბერთა; ღმრთივ-განბრძნობილთა ნეტართა მამათა: ილარიონ ქართველისა, სერაპიონ ზარზმელისა და გრიგოლ ხანძთელისაჲთა; ღირსთა მამათა ჩუენთა ათონელთა: იოვანესი, გაბრიელისა, იოვანე-თორნიკყოფილისა, ეფთჳმისა და გიორგისითა, წმიდათა კეთილ-მორწმუნეთა და დიდთა მეფეთა ჩუენთა: ვახტანგ გორგასალისა, აშოტ კურაპალატისა, დავით აღმაშენებელისა და სოლომონისაჲთა; წმიდათა კეთილად მძლეთა მეფეთა და დედოფალთა: არჩილ, დემეტრე, შუშანიკ, ქეთევან და

ლუარსაბისადთა; წმიდისა ილია მართლისადთა; წმიდათა და მართალთა მშობელთა ღმრთისმშობელისა იოაკიმ და ანნადსითა; (და წმიდისა სახელი, რომლისა არს ტამარი) და წმიდისა და კეთილმსახურისა მეფისა თამარისითა, და ყოველთა წმიდათა შენთადთა გევედრებით შენ, მრავალმოწყალო ღმერთო, შეისმინე ჩუენ ცოდვილთა ვედრებაჲ, და შეგჳწყალებნ ჩუენ.

გუნდი: უფალო, შეგჳწყალებნ (12-გ ზის).

მღდელმან: წყალობითა და მოწყალებითა და კაცთმოყუარებითა მხოლოდშობილისა ძისა შენისადთა, რომლისა თანა კურთხეულ ხარ, თანა ყოვლადწმიდით, სახიერით, და ცხოველსმყოფელით სულით შენითურთ, აწ და მარადის და უკუნითი უკუნისამდე.

გუნდი: ამინ.

გალობაჲ 7, კურთხეულარსა

ძლისპირი: ყრმანი ებრაელნი საჯუმილსა შინა ვიდოდეს ცეცხლსა ზედა კადნიერებით შეცურეულნი ღაღადებდეს და იტყოდეს: კურთხეულ ხარ შენ, უფალო ღმერთო, უკუნისამდე.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

გული შენი განბრძნობილი შჯად ერისა შენისა, იყო ჳელთა შინა ღმრთისათა, და ხვდოდი ყოველთა მცნებათა და სამართალთა მისთა, აწ ჩუენცა მეოხ გუეჳმენ წინაშე ღმრთისა, რადთა მოგვცეს გული გონიერი და ბრძენი, გულისხმის-ყოფად კეთილისა და ბოროტისა.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

რომელსა მოგიდიეს მადლი ზეგარდამოდ ღმრთისა მიერ, მოგჳსენე წინაშე მისსა, რადთა მართლ-აღმსაარებელთა აღამაღლოს გჳრგჳნი და მშჳდობაჲ მოჳმადლოს საზეჳპუროსა ერსა ქართველთასა.

დიდებაჲ მამასა და ძესა და წმიდასა სულსა,

წინაშე ღმრთისა კადნიერებით მდგომარემაჲ, ვითარცა ერისა შენისა ანგელოზმაჲ, მფარველმაჲ, ითხოვე მისთვის მწყემსი სარწმუნოდ და მართალი, მმართველად და წინამძღურად, ვითარცა დავით ისრაელთა.

აწ და მარადის და უკუნითი უკუნისამდე, ამინ.

ნებითა ჩემითა შეცოდებული და დამონებული ჩუეულებათაგან უჯეროთა, მოწყალებისა მომართ შენისა მოვივლტი განწირული, მაცხოვნე, ყოვლადწმიდაო ღმრთისმშობელო.

გალობაჲ 8, აკურთხევდითსა

ძლისპირი: შვდწილ ადაგზნა საკუმილი, მძლავრმაჲ ქალდეველმაჲ ყრმათათჳს გულისწყრომითა, და რისხჳთა, და ძალითა მაღლისაჲთა იხილნა უვნებელად დაცულნი ცეცხლი-საგან განუხრწნელად, და დამზადებელისა მიმართ და მკსნელისა ღალად-ყო: აკურთხევდით ყრმაჲნი, და მღდელნი უგალობდით, ერნი უფროდსად ამაღლებდით მას უკუნისამდე.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

მარჯუენჳ მაღლისაჲ შემწე გექმნებოდა და განცხადებულად ყოფდა ძლევათა საკვრველთა ურჯულოთა მათ მტერთა ზედა, აწცა მეოხ-იყუენ ჩუენთჳს უფლისა მიმართ, რადთა ძალითა თჳსითა ანგელოზთა მიერ განდევნოს ჩუენგან ყოველი ბოროტი და დაიფაროს ქუეყანაჲ ჩუენი წვალებისაგან და სჯულისაგან უცხოდსა.

წმიდაო, კეთილსახურო მეფეო თამარ, ევედრე ღმერთსა ჩუენთჳს.

დედობრივისა მის ბუნებისა უძლურებითა მამაკაცებრ ილუაწე და შენდამი რწმუნებულნი ერნი და სამეფონი გარემოცულთა განსაცდელთაგან უშიშად დაიცევ, ეგრეთვე აწ მვედრებელთა შენთა

წყალობით მოგუჯედენ, წმიდაო, და ძვრ-ხილულნი მძლავრისა შინებისაგან და სიბორგილისა წვალებათაჲსა ძალითა ქრისტესითა დაგვფარე.

დიდებაჲ მამასა და ძესა და წმიდასა სულსა,

ვითარცა დაამკუნენ ამჰარტავნებაჲ უსჯულოთაჲ შამქორსა და ბასიანსა და შეიმოსე სამ-ძალითა ძლევისაჲთა, ეგრეთვე აწ ოხითა შენითა გარე წარაქციენ აღმრვანი მტერთანი, რომელნი მოვლენან ჩუენ ზედა, ღუაწლისა მძლეო, მეფეო თამარ, რადთა არა ჰსთქუან მოძულეთა ჩუენტა, სადა არს ღმერთი იგი მათი და სცნან ღმრთისმშობლისა მიერი საფარუელი ჩუენსა ზედა.

აწ და მარადის და უკუნითი უკუნისამდე, ამინ.

თუალნი სულისა ჩემისანი გარდასლვთა დაბრმობილნი, ღმრთისმშობელო, განანათლენ, გონებაჲ და გული მრავალ-ხატითა აღშფოთებული დაამშვდენ, გევედრები, მაცხოვრე მე მგალობელი: ყრმანი და მღდელნი უგალობდით, ერნი უფროდსად ამაღლებდით მას უკუნისამდე.

გალობაჲ 9, ადიდებადითსა

ძლისპირი: განკვრდეს ზესკნელს ცანი, და კიდენი ქუეყანისანი შემრწუნებულ იქმნეს, რაჟამს ღმერთი შენ მიერ კაცთა გამოუბრწყინდა და საშოდ შენი უმაღლეს ცათა საყდართა გამოაჩინა. ამისთვს, ღმრთისმშობელო, ანგელოზნი და კაცნი, ვითარცა ღირს ხარ, გადიდებენ შენ.

წმიდაო, კეთილსახურო მეფეო თამარ, ევედრე ღმერთსა ჩუენტვს.

ანგელოზნი თანა მდგომ ყოველსა შინა მოიგე საქმეთა მიერ კეთილთა და ზეცისა ძალთა თანა ბრწყინვალედ განშუენებული წარმოუდგე ქრისტესა, გვითხოვე მისგან ცოდვათა და

უსჯულოებათა ჩუენთა შენდობად, რადთა ღირს-ვიქმნეთ დიდებასა მისსა.

წმიდაო, კეთილსახურო მეფეო თამარ, ევედრე ღმერთსა ჩუენტვს.

იხარებდ, ბრწყინვალეო, სულითა ღირსო, რამეთუ მიცუალეზულ ხარ სუფევასა ზეცისასა, და მადლისა მქონებელი ღმრთისა მიერ, კეთილკრძალულთა დედაკაცთა უშურველად მოანიჭებ მადლსა, კურთხევასა და დიდსა წყალობასა.

დიდებაჲ მამასა და ძესა და წმიდასა სულსა,

დაღათუ ენად მეტყველი კაცობრივი ვერ შემძლებელ არს მითხრობად მადლთა შენთა, არამედ შემდგომად სიკუდილისა შენისა მაუწყებელ-არს მოღუაწებათა, აწ დიდებული ვარძიად და იქადის მეტეხი და ბეთანიაჲ ლოცვათათვს შენთა მკურვალეთა, მკნეო შორის მეფეთა, ღუაწლისა მძლეო თამარ.

აწ და მარადის და უკუნითი უკუნისამდე, ამინ.

ყოველთა შემოქმედი და უფალი, მიდგომილმან შევ უკუე, ქალწულო, და აჰა, აწ მდგომარე ხარ მარჯუენით მამისა, ვითარცა დედოფალი, წმიდაო, ამისთვსცა გევედრებით შენ, ნაწილისაგან მარცხენისა მიკსენ მე დღესა შინა სასჯელისასა და მარჯვენითა ცხოვართა თანა აღმრაცხე.

ღირს არს ჭეშმარიტად, რადთა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატიოსნესსა ქერუბიმთასა და აღმატებით უზესთაესსა სერაფიმთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

მღდელმან აკმიოს

მხიარულითა გულითა მოვისწრაფოთ, ზ, მორწმუნენო, და უგალობდეთ ჩუენ ქართველთა მზესა, კეთილმორწმუნესა მეფესა თამარს, სიმაღლესა ზედა ივერთა ეკლესიისასა მდებარესა, და ვადიდებდეთ ვსენებასა მისსა, სახელოვანსა და ყოვლად ბრწყინვალესა.

აღვიტყველნეთ აწ კელნი, ქართველნო, და მადლსა და დიდებასა შევსწირვიდეთ მკსნელსა, რომელმანცა მოსცა ეგე ვითარი კელმწიფჳ და მზრუნველი დედისა მისისა წილ-ხვდომილსა ერსა ჩუენსა, ქრისტჳს მტერთაგან მრავალგზის კუეთებულსა და შეჭირვებულსა, და ვითხოვდეთ მის მიერ გამოვსნასა ყოველთაგან განსაცდელთა.

პირად-პირადად შემკულ ხარ გვრგვნითა და შარავანდედითა, და კუერთხითა სამეუფოთა, და პორფირითა და ბისონითა, ნეტარო, და ჰსუფევ მეუფისა თანა ძალთასა, აწ გვკსენ ჩუენ ოხითა შენითა მონებისაგან ბოროტთა ეშმაკთასა და მზაკუვარებათაგან კაცთაძსა.

სიყუარულითა მოვვლტით შეწირვად მდაბალთა ვედრებათა ჩუენთა და გულსმოდგინედ მოვისწრაფვთ ტაძარსა შენსა შუენიერსა, გარნა შენ ჩუენთვსცა ოხად ნუ დასცხრები და ევედრე ყოვლადმღიერსა ღმერთსა, რადთა არა სამართლად მოგვაგოს ბოროტად საქმეთა ჩუენთათვს და მოჰმადლოს სულმოკლებასა ჩუენსა სულგრძელებად.

აწ მოგვფინე მადლი ლოცვისა შენისად, დავით წინასწარმეტყველისა და უფლისა მიერ ცხებულისა შვლად წოდებულო კელმწიფეო, და მოგვანიჭე მჭურვალეზად სარწმუნოებისად, სიყუარული მოყუასისად და საღმრთოდ მოშურნეობად მამულისად, რადთა შენებრ ღირსებითა და სიმართლითა ვემსახუროთ მამულსა და ერსა, და დღითი დღე ვიღუწიდეთ სადიდებელად ღმრთისა.

ზ, ზეგარდამო ძლევისა მომღებელო, მეფედ ცხებულო დედოფალო, ნუ დასცხრები ვედრებად წინაშე ღმრთისმშობლისა, ვიდრე აღსრულებადმდე საუკუნისა დაიცვას ივერიად და ერი ივერიისად,

რადთა არა ვიქმნეთ საყუედრელ და საცინელ ურიცხუთა მტერთა ჩუენთა, და მამულისა ჩუენისა კაცთა წესისაებრ, სამ-წმიდა-არსობისა გალობაჲ შევსწიროთ ღმერთსა:

წმიდაო ღმერთო, წმიდაო ძლიერო, წმიდაო უკუდაო, შეგვწყალებ ჩუენ (3-გ ზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვნდვენ უმჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგვწყალებ (3-გ ზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მივსნენ ჩუენ ბოროტისაგან.

მღდელმან: რამეთუ შენი არს სუფევად...

მიწყალებ ჩუენ, უფალო, შემიწყალებ ჩუენ, რამეთუ ყოვლისავე სიტყვს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალებ ჩუენ, უფალო, შემიწყალებ ჩუენ.

დიდებაჲ მამასა და ძესა და წმიდასა სულსა,

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩვენ ფრიად, და ნუცა მოიკსენებ უშჯულოებათა ჩუენთა, არამედ მოიხილე ჩუენზედა წყალობითა, ვითარცა სახიერ ხარ, და გვკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ხელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდეგომთა მტერთაგან, რამეთუ შენ ხარ ცხორებაჲ ნათესავისა ქრისტეანეთაჲსა.

მღდელმან: შეგვწყალენ ჩუენ, ღმერთო, დიდითა წყალობითა შენითა, გევედრებით, ისმინე და შეგვწყალენ.

გუნდი: უფალო, შეგვწყალენ (3-გ ზის).

მღდელმან: მერმეცა გევედრებით, წყალობისა, სიცოცხლისა, მშვიდობისა, სიმრთელისა, დღეგრძელობისა, ცხორებისა, განათლებისა, მოტევებისა, კეთილად წარმართებისა და მყუდროებისა მონათა (ანუ მკევალთა) ღმრთისაჲთა და ყოველთა შვლთა ჩუენისა ეკლესიისაჲთა, რადთა დაიცვას უფალმან ღმერთმან ჩუენმან სამეუფოდ ქალაქი ესე ჩუენი და წმიდაჲ ესე ეკლესიაჲ და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახვლისა, უცხო-თესლთა ზედა მოსლვსაგან, ბრძოლისა და სიკუდიდშემოსილისა წყლოულებისა, რადთა მოწყალე გუექმნეს ჩუენ ღმერთი კეთილად დგომისათჳს სახიერებითა და კაცთმოყუარებითა თჳსითა, და გარეწარაქციოს რისხვაჲ, მარად დღე ჩუენ ზედა მომავალი, და

გვკსნეს ჩუენ სამართლად ჩუენ ზედა მოწევნულისა რისხვისაგან, და შეგვწყალნეს ჩუენ.

გუნდი: უფალო, შეგვწყალენ (40-გ ზის).

მღდელმან: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენთა, და შეგვწყალენ ჩუენ, რამეთუ მოწყალე და კაცთმოყუარე ღმერთი ხარ და შენდა დიდებასა აღვაველენტ, მამისა, და ძისა, და სულისა წმიდისა, აჲ და მარადის, და უკუნითი უკუნისამდე.

გუნდი: ამინ.

სავედრებელი ლოცვა

ჰ, ღმრთივსათნოდთა მეფობითა და საქმითა მოღუაწებისადთა განბრწყინვებულო მოქალაქეო ზეცისა იერუსალჴმისაო, წმიდაო თამარ! ზესთამბრძოლო ქართველთაო და სიქადულო დედათაო, მოწყალეო, ურისხველო, გლახაკთა კელის-აღმპრობელო და დავრდომილთა მსწრაფლ-შემწეო, ოხითა შენითა განმამხიარულებელო მჴმუნვარეთაო და სიმტკიცეო და ძალო სარწმუნოებითა შენდამი მოლტოლვლთაო!

ჰ, წმიდათა შორის დიდებულო და დედათა შორის კეთილმსახურებითა განბრწყინვებულო, ყოვლადსაკვრველო მეფეო თამარ! დედობრივისა შენისა გულმოწყალებითა შეგვაწყნარენ შენ მიერ შეყუარებულსა ტკბილსა იესუს, ღმერთსა ჩუენსა, რადთა უსაზღვროდთა მოწყალებითა თვსითა მოხედოს დედისა თვსისა წილხვდომილსა ერსა ჩუენსა, მტვრთველსა საუფლოდსა ჯუარისადსა ქუეყანასა ზედა და დაიცვას მტერისა საფრჯისაგან და ძმათა მტერობისაგან, ხოლო სარწმუნოებაჲ ჩუენი მისსა მიმართ კუალად განაახლოს და აღგვდგინოს ცხებული ძირისაგან დავითისა, რომელი ძალითა ჯუარისადთა მოჴკრძალავს ზოგად ყოველთა საზღუართა

საქართვე-ლოდსასა და აღამაღლებს და აღადგენს სიმალლესა და ძლიერებასა ჩუენსა ქუეყანით დავიწყები-საით, რაითა ვიყოთ ერთ სამწყსო და უფალი იყოს მწყემს ჩუენდა. განამლიერე მსახურებასა შინა უწმიდესი და უნეტარესი, სრულიად საქართველოდს კათალიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფე, მამად ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, პატიოსანნი მღდელნი, ქრისტეს მიერ დიაკონნი და ყოველნი სამონაზვნო წესნი, ზიარნი მართლმადიდებელისა ეკლესიისანი და ყოველნი მართლმორწმუნენი ქრისტეანენი.

ჟ, ჭეშმარიტად ბრძენო მეფეო და ახოვანო მოღუაწეო, გზგზნოსანო თამარ, დიდებულო! კუალად აღიპყრენ ღუაწლით შემოსილნი ჳელნი შენნი ზეცათა მეუფისა მიმართ, რომლისა წინაშე ღმრთივ-ბრწყინვალითა გზგზნითა დიდებულ-ხარ, სანატრელო, და გვითხოვე, რაითა მოჰმადლოს ეკლესიათა დიდებად, სამღდელოთა პატიოსნებად, მთავართა კეთილად მწყსად ერისად, მჳედართა მამაცობად, ერისაგანთა უცოდველობად და დედათა კრძალულებად, ხოლო ჩუენ მოგუანიჰოს კეთილ-მოქალაქობით ცხორებად, ქუელის საქმითა განშუენებად, წმიდითა ლოცვითა განათლებად, აღსარებითა განწმედად, ზიარებითა განბრწყინვებად, პატიოსნად მიცუალებად, სასუფეველსა დამკვდრებად, ანგელოზთა თანა გალობად, წმიდათა თანა სუფევად, და შენ თანა დიდებად და მადლობად, რამეთუ მისა ჰშუენის ყოველი დიდებად, პატივი და თაყუანისცემად, თანა მამით და სულით წმიდითურთ, აწ და მარადის და უკუნითი უკუნისამდე, ამინ.

მღდელმან: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატოსნესსა ქერუბიმთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

მღდელომან: დიდებაჲ შენდა, ღმერთო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგჳწყალებ (3-გ ზის). გუაკურთხენ.

მღდელომან: ჩამოილოცოს.

გუნდი: ამინ

ერისკაცმან: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგჳწყალებ (3-გ ზის).

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, წმიდისა და კეთილმსახურისა მეფისა თამარისითა და ყოველთა წმიდათა, შეგჳწყალებ ჩუენ, ამინ.

ხატისა მისისა მთხვევასა ზედა ვჰგალობთ ესრეთ:

ყოველთა მორწმუნეთა გუაქუს მეოხებაჲ შენი ქრისტჳს მიმართ და გევედრებით: მოგვხედე მაღლით, ჳ, მეფეო, ყოვლად ბრძენო და სანატრელო, და ვითარცა გაქუს კადნიერებაჲ დიდი, ნეტარო თამარ, დააცხრვე აღმრვანი უხილავთა და ხილულთა ვნებათანი და ყოველთა ჳირთაგან, მოწევნულთა და მოწევნადთა გჳჳსენ ჳსენებისა შენისა სრულმყოფელნი და ქებით მგალობელნი.

დედოფალო მარიამ, მოგუხედენ სასოებით ამბორის-მყოფელთა პატოსნისა ხატისა მეფისა ამის ყოვლად ბრძნისა, წმიდისა

თამარისა, ხოლო მადლი მისი და წყალობად შენი თანა-მავალ-მეყავნ
ყოველთა დღეთა ცხორებისა ჩუენისათა.

ავტორ-შემდგენელი: თინათინ მჭედლიშვილი

